

**PEMBERITAHU PERTANYAAN DEWAN RAKYAT**

**PERTANYAAN :**

**LISAN**

**DARIPADA :**

**Y.B. DATUK HAJI DATU NASRUN BIN  
DATU MANSUR [ SILAM ]**

**TARIKH :**

**10.6.2014**

**NO. SOALAN :**

**Datuk Haji Datu Nasrun bin Datu Mansur [ Silam ]** minta **MENTERI PENDIDIKAN** menyatakan adakah Kementerian bercadang untuk mewujudkan Sekolah Menengah Agama di Lahad Datu memandangkan keperluan sekolah ini adalah mendesak disebabkan permintaan yang tinggi dan penempatan pelajar Sekolah Menengah Agama di Sabah adalah terlalu terhad.

**JAWAPAN**

Tuan Yang di-Pertua,

Berdasarkan Pelan Pembangunan Pendidikan Malaysia (PPPM) 2013-2025, Kementerian Pendidikan Malaysia (KPM) merancang untuk mewujudkan sebanyak 77 buah Sekolah Menengah Kebangsaan Agama seluruh negara. Manakala di Sabah, bilangan SMKA pada masa kini, berjumlah 9 buah kesemuanya. Berdasarkan permohonan kemasukan murid ke SMKA pada tahun 2014, bagi keseluruhan negeri Sabah adalah berjumlah 2,675 permohonan. Manakala kapasiti sembilan buah SMKA ini telah berjaya menerima masuk 1,050 orang murid iaitu mewakili 39.3% permohonan. Pencapaian ini adalah jauh lebih baik berbanding beberapa negeri lain yang masih berada di bawah 10%. Berdasarkan data ini, KPM tiada perancangan untuk menambah bilangan SMKA di Sabah dalam masa terdekat. Walau bagaimanapun, KPM sedia untuk mempertimbangkan permintaan bagi mewujudkan SMKA di Lahad Datu jika terdapat keperluan mendesak dan kemampuan kewangan Kerajaan mengizinkan .